

KONGRESY NASIONALIN'NY TIM NY SABOTSY IZAO

Vonona ny ao Tanjombato, vonona koa ny kongresista

Ho tanterahana ny sabotsy 1 jolay ho avy izao ao amin'ny Magro Tanjombato Antananarivo Atsimondrano, ny kongresy nasionalin'ny antoko Tiako i Madagasikara (TIM). Efa vonona ny toerana handraisana izany, izay toe-rana malalaka sy mifefy ary mitafo. Nam-pahafantatra ny fahavitan'izany toerana izany tamin'ny mpanao gazety ny talata teo, ny birao politikan'ny antoko, ireo depiove voafidy tamin'ny anaran'ny antoko TIM ary ny solontenan'ny komity mpikarakara. Nahitana ny sekretera jeneralin'ny antoko Rina Randriamasinoro, ny mpandrindra nasionaly Jean Claude Raktotirina, ny filohan'ny vondrona parlementera TIM : ny depiove Fetra Ralambozafimbololona, ny depiove Mamy Rabenirina, ny depiove Gerry Randriambolaina, ny depiove Alain Ratsimbazafy, ny depiove Feno Ralambomanana, ny depiove Rastany ary ny depiove Ramboasalam. Teo koa ny avy amin'ny komity mpikarakara, nahitana ny senatera teo aloha Olga Ramałason, ny ministra teo aloha Rafatrolaza Bary Emmanuel. Fantatra tamin'izany fa efa vonona koa ireo kongresista hiatrika izany kongresy nasionaly izany, hahatratra 1400 eo ny avy any amin'ny faritra ivelan'ny renivohitra. Mpizaika miisa 20.000 eo no neverina hiatrika ny fotoana, izay hanomboka rahampitso zoma 30 jona, amin'ny alalan'ny asam-baomiera sy fanofanana, fanofanana ho amin'ny fiatrehana ny fididianana. Hitohy ny sabotsy izany kongresy nasionaly izany, hatren'ny filoha nasionaly Marc Ravalomanana. Tokony hanao badge avokoa ireo hiatrika ny fihaonambe, hoy ny sekretera jeneraly Rina Randriamasinoro, ny toe-

RMDM

Miantso ny antoko politika rehetra hidinika momba ny raharahan-pirenena

Miantso ny antoko politika rehetra misy eto amin'ny firenena, hidinika momba ny raharahan-pirenena amin'izao fotoana, izay latsaka an-katerena ny RMDM, na ny Rodoben'ny Mpanohitra ho an'ny Demokrasia eto Madagasikara. Misy ny antso sy fanambarana nataon'izy ireo mahakasika izany : « raisin'ny RMDM ho an-

draikitra lehibe ny mansasa ny "Antoko politika rehetra mijoro ara-dalàna, mba hiara mivory ny alakanisy faha-29 jona 2023 amin'ny 10 ora maraina ao Andraharo foiben'ny antoko HVM, handinika miaraka ny toedraharam pirenena ankehitriny." Lantefan'izany antson'izy ireo izany ny vondron'antoko politika sy ny antoko

politika : Hifim, Vphm, Panorama, Lera, Crn, Dinke, Solide, Mihava Tours, Tamami, Ftar, Undd, Apm, Otrik'af, Gffm, Mts, Arema, Leader, Ecologiste humaniste, Fiam, Gasy-leo, Fnnd, Monima, Akfm fanavaozana, Tgv, MMM, Avi, Avotra hoan'ny firenena, RDS, Tsaratahafina, Aba, Antoko Maitso, Liaraike, Zah gasy, Free-

dom, Manda, Avana, Hiaraka Isika, Vonjy iray tsy mivaky, Dhd, Fanahy no Maha Olona, Mamafisoa, Pfm, Rfm, Sociétés Civiles rehetra, SMM, Syndicat rehetra, PSD, RPSD, Akfm Fanavaozana, sy ireo rehetra hafa mijoro ara-dalàna.

Ny Valosoa

Antso Fiarahamonina Kristiana (AFK)

Mazava sy mitombina ny lalana hamoahany ny firenena

Maro ny olom-pirenena no sahiran-tsaina ny amin'ny zotra andehanana na itondrana ny firenena sy ny hiafarany. Vao mainka niha-nitombo sy nihamafy izany tato ho ato rehefa fantatry ny maro ny momba ny fizakan'ny filohan'ny Repoblika malagasy Andry Rajoelina ny zom-pirenena frantsay avy amin'ny fangatahany izany. Maro no nametra-pa-nontaniana ny amin'izay ho fiarovany ny tombontsoan'ny firenena malagasy, indrindra raha mifanehatra amin'ny tombontsoan'i Frantsa. Tsy main-tsy tonga amin'izany ny eritreritra rehefa mahita ny fahantrana lalina manjo ny vahoaka malagasy, ny fahasimban'ny fiarahamonia, ny fikorosy fahan'ny toekarena, ny toe-tsaina,

ny soatoavina, sy ny maro hafa. Raha fehezina, miha-potika ny firenena. Adihetra eny amin'ny fainana andavanandro eny, hanao ahoana no hiafarany'ny firenena ity raha izao no mitohy? Firenena toy ny inona no havela ho an'ny taranaka fara aman-dimby? Ny fomba fijery sy fiheverena mifanohitra etsy sy eroa amin'ny vahaolana tokony hoentina manoloana izany, dia tsy mitondra mankaiza. Ny an'iza no mitombina sy mety amin'izao vanim-potoana izao? Misy ireo mitompo teny fantatra mafy, kanefa rehefa fotorina tsy hita mazava izay fototra iorenany, fa toa hevitra voi-zin'ny korinan-kevity ny fanatontoana sy ny zava-misy fotsiny ihany

mifandraika amin'ny eo amin'ny sehatra iraisampirenena. Tsy marin-toerana izany. Tsy maintsy mijery an'izany anefa raha tiana marina ny hahita ny tokony ho lalan-kombana hamoahana ny firenena ao anatin'izao lavaka mangitsokitsoka izao. Anisan'ny antom-pisian'ny Antso Fiarahamonina Kristiana (AFK), ny hanavotra ity firenena ity. Mialainga avy amin'ny Vinan' Andriamanitra ho amin'ny hamirapiratan'ny firenena no hevitra voiziny, sy asa ataony. Ny AFK ao anatin'izany, dia fitaovana ihany hanatanterahana izany. Niainga avy amin'ny fikaonandoan'ireo kristiana manam-pahala-lana resy lahatra no nambohana ny asa. Nisy ihany koa ny fanadiha-

Aris



Ny tafa tamin'ny mpanao gazety tao Tanjombato.

rana hahazoana ny badge hahafahana miditra eny Tanjombato dia ao amin'ny QG Bel'Air, MBS Anosipatrana, any amin'ireo Solombavambahoaka lany tamin'ny anaran'ny Antoko, any amin'ny distrika isanisany.... Sabotsy izany mifankahita amin'ity fotoandebiben'ny antoko TIM ity, nanasany ihany koa ireo antoko politika sy fikambanana samihafa misy eto amin'ny firenena. Eo ihany koa no hanehoany, fa antoko lehibe eto Madagasikara izany antoko TIM izany, vonona amin'ny zava-drehetra, indrindra ny fididianana amin'ity taona ity.

Isambilo

Dia ireny niaraha-nahita ireny ny fahasahiana nisafony foloalindahy malagasy sy ny fiatrehana ny fankalazana ny fetim-pirenena malagasy. Asa mandeha mankaiza avy ny fisainana sy ny eritrerity ny tsirairay na ireo eo anivon'ny fitondrana, na ireo vata miramila isan-tsokajiny eo anivon'ny foloalindahy malagasy, na ireo olom-pirenena manoloana ireny zava-misy ireny? Na maro aza no niteny mialoha, indrindra ireo ankolafy politika eo anivon'ny fanoherana, fa tsy tokony hanao izany ny filohan'ny Republika, dia mbola nataony izany, nisy rahateo ny mpamporisika minia mikimpy anoloan'ny rariny sy hitsiny. Matimaty foana sy verivery foana ny ràn'ireo Malagasy tia marina ny tanindrazany nanomboka ny 1896, sy ny 1947. Nirediredy fotsiny ho an'ireo minia mikimpy ireo Malagasy nikiakiaka sy niantsoantso ny fahaleovantena tamin'ny 1929 izay nanalikan'ny Frantsay, nataony ho ambany noho ny alika mihitsy aza, teny Andohan'Analakely. Fatsy mampaninonaa zy ireo, ny Filoha malagasy raha mizaka ny zom-pirenena frantsay ary vonona mihitsy aza nanary ny maha Malagasy matoa nangataka ny fizakana izany...

Dia rehefa mahita ny zava-misy amin'ny fomba fitantana ny firenena sy manjo ny vahoaka malagasy raha te haneho hevitra ankalamajana na amin'ny toerana samihafa. Fomba fitantana tamin'ny andron'ny fanjanahantany no mitranga raha ny zava-misy, indraindray aza mihoatra an'izany, raha mitodika ny tamin'io 1929 io. Tamin'izany mantsy dia navela namakivaky an'Andohan'Analakely hatreny amin'ny araben'ny fahaleovantena ny Malagasy nanao izany hetsika izany. Ankehitriny anefao vao mikasa fotsiny hidina an-dalambe na eny Ambohijatovo, na eny amin'ny kianjan'ny 13 Mey, dia ny "mpitandro filaminana" no tonga aloha mieraka amin'ny fitaovam-piadiana maro samihafa. Tsy atao hahagaga raha izany no manjo ny vahoaka satra olon'ny Frantsay, na saribakoliny, no eo amin'ny fitondrana miaraka amin'ireo mpanohana sy mpisolelaka azy. Fihatsarambelatsihy fotsiny no atao amin'ny vahoaka amin'ny hoe "fitiavan-tanindrazana" eto, fa ny ao an-tsaina hiaro ny tombontsoa frantsay sy ny tombontsoan'ny tenany manokana. Dia lalaovina fotsiny ilay vahoaka, ary handaingana mihitsy aza. Tsy azo lavina izany n'inon n'inona fana-zavana atao, na mody manao resaka sy kabary mampandry adrisa ary manao tami-maso ny vahoaka amin'ny fizaran-javatra etsy sy eroa aza. "Efa mazava io, fa asakasak'izay manaiky andevozina", hoy ilay lehilahy iray izay nanontanian'ny mpanao gazety. Soa fa efa 72 andro sis: J- 72 dia tokony hiala amin'ny fitondrana Rajoelina, satria mampahantra firenena sy mampahantara vahoaka. Raha ny firenena dia firenena anisan'ny mahantra indrindra eran-tany i Madagasikara amin'izao fotoana, noho ny tsy fahaiza-mitondra, sy tsy fahaiza-mitan-tan-dry Rajoelina sy ny forongony. Tena mahantra ihany koa ny ankamaroan'ny vahoaka ankehitriny, satria latsaka ambany tokony fahefa-mividiny, sy ny vola miditra aminy. Fahendrena ho an-dRajoelina arak'izany no miala, satria sady mampahantra firenena, no mampahantra ny vahoaka ao aminy.

Sôh'son

PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue.

Remerciements au Sacré Cœur pour faveurs obtenues.

Maëlle R.